

漸西村人初集

漸西村人初集

詩三

次韻薛糧儲丈將之白門留別

題祭酒吳梅村先生趺坐小像

壽績溪胡荻洲六十初度

古詩

磊磊海中石

游焦山

望攝山

十月二十二日自復興集返北譙卽送薛夫子往秣

陵兼問訊戴子高秀才

吳中別胡州倅丈

除夕常州舟次遇雪

望嶽

記明堂物名詩

靈祐寺藏經歌簡楊守敬

渡齊河

小車行滁和閒大雨驟至是夕宿西澗用去年北譙
詩韻作一首

王東木隱居詩

靜坐問答

浙西村人初集

詩三

次韻薛糧儲丈將之白門留別 己巳

挂席名山惜別時
華陽真逸老爲師
栖霞寺畔月初上
竹格航頭雲自怡
問字侯芭從載酒
監門關尹乞題詩
扁舟來往經吳會
前路青山范蠡祠

物外真成汗漫游
已除綺語罷冥搜
久辭符竹還初服
尙念農祥考異郵
寂寂亭惟短榻搏
搏大地有虛舟
習之媿和河陽句
高爵於今未可求

題冬酒吳梅村先生跌坐小像

人言堯幽囚或言舜野死目斷蒼梧淚不止先生頭白髮

垂耳遺骨千年蛻於此以上雜用先主本集句寂寂團蒲坐風甌時

一鳴檐花晚更落徑竹剡頻生蘿園新帶瘦蓮緝故衣輕

把卷還捐卻齋心難自榮依然沈家令愁絕庾蘭成無多

身似芭蕉實證取同時藥地僧先生遺令以僧伽梨服禱圖中已如此殆平居幽憂

之日早決之猶自題員石之意也

壽績溪胡荻洲六十初度其族子培系同客杭州書局屬作

道枝庸行晦斯人得其真華繁眾所競松桂亦餘春黟歙

萬山中鄉俗如周殷悖妍旣刊落喬柯緬輪囷泰州瀝清

甯講學爲世甄孫枝見令裔遐哉几蘧民一冠垂卅年隻

鷄奉備親豈惟君獨善村落共敦仁

藏丹春山表櫝玉斗圃裏上堂問起居鄰比每色喜昨占
農丈人秉耒歡茲始雞桴與粽柵一一具甘旨方修冀缺
耨潛感曰季使祭器及燕器欄庭次第起旣念承宗祏方
思睦支子吹花浮巨觴復丁期久眎褐衣懷十城山梁斑
一雉如聞董生行嗟哉人所軌

古詩

庚午

黃鵠銜竹實飛來太山側植之壽命長生理孤且直日月
起牽牛周行將復始行人日向南漫漫三千里朝發能幾
里暮來風又起妾獨懷隆思沈綿滯難理望舒離金虎元

雲起重霧夷塗非昨軌行潦一何深愁霖乍開霽日出正
當心但照君行處墜懼難重尋何以相存問遺之青瑤琴

其二

庭中有奇木終歲常端正長夏變明晦積霽蔽光景望遠
心已踰表微君自省悄素雖未達豈隔影與形年命如金
石仰恃北辰星

磊磊海中石

浮浮天上星磊磊海中石精爽本交通委實窮島積星胡
靈而爲石感神光之斐斐汝不逢申徒狄之嫉世無人哀
而湛兮將安歸

游焦山

紛紛牂羆灰已寒焦公去今復幾世歸然一邱青瑤林縹
渺浮空碧天際大江西來自楚蜀萬里輪瀉狼山東奔流
一曲復一直到此粗沙悍石相磨礪至今山根齧江水石
壁返照蛟涎紅試登高處足垂外似與波濤爭長雄豈知
山性本來定中有積氣非天功海童負舟傍新步委迤拾
級青蓮宮僧持竹杖導我入微徑詰屈蜂房通黝然古鼎
度菌閣不知採自何山銅華陽子逐元鶴去尙留斷碣言
厖鴻松風泠泠六九字天監井闌差許同筆勢甯儔八分
顧銘詞定出三層宮人閒樵隱何分別且學攝生方兩瞳

望攝山

林衣禿遠岫何處有樵人如見明承烈蕭疎笋籜巾談經
數廣坐隱藪閉清塵日暮野煙合遙看翠鑠闔

十月二十二日自復興集返北譙卽送薛夫子往秣

陵兼問訊戴子高秀才

爰生錄錄少奇節乾笑依人似馬曹谷神行將師老嗇狀
體久矣嗤韓豪朝入淮南山飲公玉色醪丈人醺醺有眞
意年甫五十辭旌旄甯餐道士煮白石不與小兒舖濁糟
超然脫去世議外坐畏苓矢煎蘭膏出山同騎兩款段歷
險不聘持疆牢西望芎陂東尉氏涂唐舊戾爲臬拔山

之力困於此東城摺拉爲劉薌平原燒枯出境塢古木鬣
短垂松毛長途野飯不忍別舉手欲贈無錦條北譙茅茨
眼中見野老爭席廚童警晨餐過午吟至卯門前落葉埋
牛尻少攫浮榮作計誤壯悔雜學徒噴糟淺耕時虞鹵莽
報碎義復戒支離逃荆陰德陽三五運出律入禮三千條
越鷄不足以語化梧鼠腹儉何由饗欲從夫子問涂轍故
技媿未捐檀槽尊經弟子屢常滿懸解咸釋吝與勞戴君
名理日疏鑿如以清耐澆煩熬幾時相就決滯義羣碎不
數曹王髦危亭欲訪割青古傑閣每跂飛霞高裏糧衝雪
渡江去雋辨一發新劘刀

吳中別胡州倅丈

江海頻年賦遠游，吳趨歲晚滯羊裘。
喜從季偉分春餅，未向陶奴索米舟。
里閭曾同村酒熟，支離無賴篋書羞。
何時畫諾如滂俊，一洗人閒骭髀愁。

紫溪巖瀨接叢祠，秋社春祈入夢思。
但使土風深且厚，何妨梧几靜忘飢。
於今石室無仙侶，且復皋橋作吏師。
浩蕩無端異鄉別，夜牕談似結鄰時。

除夕常州舟次遇雪

旅泊臨殯岸，崢嶸逼歲華。
銀花妝雜樹，冰蘂閣浮槎。
漁火村村醮，楓林驛驛賒。
薄醪不成醉，應有夢還家。

望嶽

辛未

何年湧地出龍窠散作浮青數點峯一氣空濛走溟渤雙
丸隱見宿長松誰探玉檢千盤頂試覩金仙九節筇雲欲
出溪還隱去紫煙待叩灌壇蹤

記明堂物名詩

太山明堂惟見孟子不見他經漢郊祀志太山東北址古時有明堂處此

孟子所說在齊宣轄境之明堂也地理志云明堂在奉高縣西南四里此漢武所立之太山下明堂也明堂之制說者多異友人屬爲疏之不足以詩論也

恭承聖人出調燭四時和太乙下紫宮出入日月離四正
及四維還從于中央介邱靈翕施有事彼方明託始于炎
帝炎帝秉赤精奠民既有居明堂始經營上員明外景下

方幽內光日月入構廬風雨在其旁軒轅含樞紐合惠在
厚土會朝于合宮洞燭無巖宇英英茅三脊璇原在其側
日中而不隳含明氣當食增臺爲重雲命之曰昆侖昆侖
有木禾金鼎采其眞唐姚爲五府玉衡考中星青赤與黑
白土絡建惠刑爰始爲五室倉龍夾熬樞白虎爲遊樹朱
鳥味其隅予龜頸縮殼采窟羅丰葺赤白兼黝堊四達而
八窗大錄于總期六宗及冬春東巡萬玉至燔柴岱是先
妣氏當金惠世室載冬官冬官古水正司空固世官鸞輿
卑法地織施舞溢方黑統用元牡坐法布五行圓水法左
旋太室象紫垣羅絡于中央出人候天門正南爲明堂煜

燭主太微浮恩綴露網絳樹交珠璣西出於總章演漾宅
五潢流星如枉矢淨洗爲金祥迤北會平堂複道當營室
負陰以向明主術在衷一椒東爲青陽天市首憲同木正
輔蒼令肇朕始岱宗旋居于法宮神明忽若遺宅根于后
土媪神兆蕃釐帝乙秉水運重屋實政典息慎通中國文
物由商纛重檐垂四阿質家制亦尊陰羽隲王廷九譯貢
殷宗姬氏榘木惠明堂羅七始上窮緯度愆下飭雉門理
元封二年秋帝心忭登封胡爲公王帶稱名昧其庸
聖世在命祀執要擊道樞明堂爲大法馮翼奠廟謨

靈祐寺藏經歌簡楊守敬

時入都應
春官試

西方聖人詠於詩豈惟列子文堪摩初無文字性偏知後
有文字相則那經星走藏緯星實流入震旦平無頗北方
譯義重安什理解融釋非媿嬰天親龍樹亦著論摧滅外
道偕提婆宗門止一花五葉後來末法翻湮譎衰於楮喝
波旬出以妄爲道眞爲魔迦維託生母淨妙羅睺衍法妻
輸陀似聞仁孝出至性勿外倫物求陀羅黃梅結庵便將
母得法還度偏親皤精誠所至格金石豈假外護張毗沙
雲栖頗有廓清力淨業所得存虛和昔年學道東海上興
化中允刊曰窠續游焦山大風作不闕全藏心蹉跎元關
難扳俗緣重安得靜翮窠安柯北來兀兀抗塵土待詔金

馬隨奔波宅緣詫見萬貝葉目迷意正涕滂沱塵昏度閣
景罕曜棗木鏤畫誰重摹赤文玉簡閱潭洞石梁鷲嶺捫
織蘿比屋楊生啖白粥腹中醴醴羅籀蚪嗟卑處賤無乃
病會見華雨施威儀大聖絕糧宋樹伐釋迦乞食窮桑過
詩成脈脈不相見欲語先噤畏人訶

渡齊河

曉從齊河望太山獨立亂石杉松閒夕行入山不見麓又
疑身在天門關
管夷吾死齊無士無復雄才塞八流稷下瓊裾陰大澤人
閒燕雀暮啁啾

木公賜我脯紅虬入水猶能掙汝頭行店昨宵山雨猛朝來竹箭看河流

小車行淪和閒大雨驟至是夕宿西郭用去年北譙

詩韻作一首

圍山行彘意未快此意孰與高敖曹徒御租車溼兩籠擔夫爾汝誰能豪費禕董允爭得失蜀事終敗遺糒醪未須

小節論態度謀國何故臺營槽

蜀費禕董允嘗會弔許司

衣又蔽惡慙沮失次禕神已自若比至葬所諸貴人自諸葛公以下咸會車蓋如雲允伏地流汗遠起從他道還禕行禮進止俯仰有光允父和問之以是賢禕而劣允後允爲尚書令黃皓憚允嚴直終其世不敢爲非及禕爲政任用陳祗祗皓相爲表裏蜀祚以覆後禕卒以醉酒爲底窪鞅爲魏降人所殺由是觀之是允不必不賢於禕也

窄被以毳似跨丁櫟頭垂旄忽然猛雨四注野波濤動地
流脂膏二分垂足畏敲仄石古路滑焉能牢磬紆故繞雙
堠出前山碾過開平皋落衣下覆龍骨臥兵後荒吟連年
蘼草樹青紅多璫細怒茁地上生豪毛奔崖隨風欲東去
有如快鶻辭枯繚雨師社鬼各稱賀獨有魃女翻嗟警茸
茸夕露深沒脛激激溪水寒侵尻笋根稚子已走避松上
蒼犬無藏逃微聞夏侯倚破柱手把經卷承鬻槽熟槐略
睹水火戰莊子水中有火乃熱莊生之論非噴嘈空枝右
挈復左攫爪角欲折蒼枯條緩熊睽賜聳楚阻風雨盪決
塵秦鬻北譙南豫辨僑治鈇稽載籍何嫌勞昔稱江外歷

陽北秦堅魏壽如沸熬前朝往往列屯戍鎮西幕府多英
髦時平江水澹乎澹事去神山高復高暮投村店沽酒宿
明發一葦杭漁刀

王東木隱居詩

青田洞旁去素翻飲流霞句曲山前路
芋田養玉雅松如折釵股石似剖丹沙
相伴長生術何年棗類瓜

靜坐問答

素抱安澹薄息鞅謝膏脂本乏干祿情
擯旋自京師幽居滌山椒良辰葺茅茨
炎天嚼冰雪所賴先民辭師資多違
緬瓊琚贈何之頗得夙素侶道茲證
良知披尋雖有限神

解悟不遲尤戒棄灰篇申申鞅與非感子懷明惠靈臺蕪
欲治濁水索亡珠俛拾理在斯蘧蘧生道心中夜渙若怡
願保歲寒志苦口不復疑

神明薄滋味道惠遺華縵幸得託君子崑崙瑩心曲禮經
厲微言時時自檢束積誠通自然手足何爲局礙彼纂華
組何能免流俗初陽常護蒔微陰慎勿續二至戒檢身肌
革乃充足先正勵晚學取譬於炳爛矧當裁盛年光景惜
彌篤大義齊貞肥單門傷煢獨勿弛來日勤所葆褐中玉

漸西村人初集

詩四

讀海州邱履平詩

題朱竹垞毛河右兩先生合像

答野航上人

元太保劉秉忠回文鏡歌

午睡

濯足

盆山種松

清溪謠

卜居

雲變化

和石庵相國談禪雜咏

觀我

生老病歿

觀物

仙龍鬼蝶

總贊觀我
總贊觀物

觀荷蘭刀劍

婺源齊翁年七十餘矣昨游焦山用坡公金山詩韻

作詩示予因和之

又和遊金山

太山秦刻石殘字撫本題後

霍山一首上致仕少寇吳竹如先生

敬觀射陽湖石門畫象拓本

涪溪頌

次韻方子箴都轉重建平山堂落成之作

地震詩

汪鑿黃山圖

贈柳賓叔先生

興宗

海雲長老以種瓜圖屬題

過四源溝楊石卿大令

鐸

監稅於此

漸西村人初集

詩四

讀海州邱履平詩

壬申

窮愁凌

震望

戴望吾知舊爲述邱生今異人我道異人元不

異十圍便腹蘊天真

卷中最愛華山詩幾欲凌風問紫芝形勝從來天地險
蘭陵猛士鬢如絲

題朱竹垞毛河右兩先生合像

圖故爲康熙辛巳鄭芷畦作其時朱先生年七十四
毛先生年八十同游西湖先是嘗辨姚方輿所得舜

典廿八字之譌卽是年也此汪盞重樵本

康熙鴻儒傳者幾卓犖二萬

季野充宗

毛胡

肅明先生

朱詞科布衣

數己未蕭山秀水夾江居頗聞漆書訟今古桁頭佚字疑
有無冤詞差不敵疏證經義一卷存圓枒初晴八十猶甚
口瓜皮竹杖同浮湖吳興鄭生阿堵筆或腴而短頤而臞
公寮從祀究應罷郊配西向良非誣儒家得失每參半誰
其剖析鶴與鳧汪君手摹羅聘畫野服奇古形模殊東南
之美兩竹箭元氣壽與湖山俱

答野航上人

黃山松精舊相識布伽梨與松同色道人絕粒謝世緣遊

戲穿厓有神力兩趺不韞控漉漉飢咳玉延夜栖椶松毛
硬似古釵腳雷雨橫空灑勁直一舛幾載天都峯起看人
閒地輪蝕跳身欲入壺公瓊戎帥牽之陽隴種卅年世變
閱浮煙一日山深躡飛鞚強令野鶴入官府何似家雞放

潭洞賜紫不知勳幾轉浮青但作笛三弄

張文毅公督軍
皖南嘗招致之

長老不應俄
仍入黃山中

茅山石乳如酪漣爾不歸尋雲密縫水如碧

月度纖蘿山似晴虹蟠畫棟入山恨不攀飛仙坐覺身軀
煙火重須信流泉能洞石漸看積水遲凝凍不持木榻膝
曾穿浪走叅方要無用晚歸竹西作畫師無復前塵擾清
夢綠楊城郭結清娛遊戲薺淨供盧胡清修但喫肉邊菜

丹霞還存佛性無

元太保劉秉忠回文鏡歌

鏡徑圓三寸鼻紐刻鳳一
雛二輪廓篆二十六言銘

日光輪承熙朗曜湛迪長明恆持廣照萬厯又曰

學生迴文壬寅秋秉忠製回環讀之得四言三十

二首公弟長卿名秉恕仕至禮部尚書似即與公

攀生者秉恕子蘭璋還為文貞後鏡今藏商城楊

家鐸

湛然居士光芒續六妙門中跌白足青銅一片出世閒要

令魍魎無留蠲土花繡蝕經幾春商城楊子摩挲熟交螭

鏤鳳驚市人大似秦燔留漆竹背銘認作聰書記拂拭光

氣猶肅肅蒙文不署虎兒年淨業頗依龍樹宿奇渥真人

兆中統邢臺令史栖武安作鏡之年裁廿七南堂野衲清

齋寒文家据隱質家見孳生莫考義所安墨名儒行古未
有天生異人元羽翰遂持梵服侍帷幄十事九中著龜殫
勸農養士萬言筴黔首裁獲蘇痍瘕一朝王鶚寤上意始
改金紫加巾冠藏春一集絕蕭淡萬物不能靈臺干當其
握鏡登丹墀大政率仗公發之桓東灑北論都好善建不
拔之宏基辟禪皇帝寶人不寶器臣有六鏡能使四方上
下無傾陂完完青陽鏡光燭神州東鳧與滿飾夷列九解
辦作貢魚皮同沈沈白臧鏡雪山西頭務面服百城寘吏
受約束天戈所臨角不觸南條一尉夷滇池北戒一候戍
金微上推日躔離禮飛入赤道內下窮河岷寒玉萬頃昆

崙坡森森百怪無不有那識寒芒入人手賢哉公乎古所
無金簡珠囊洞穿牖孤虛術秘世莫聞一鑑今亡贊者后

始知汗馬收心地以靜成學良非偶後來傳書出依託

謂玉

尺經之類恠妄翻爲公秕垢雷蟠電掣六十春此鏡與公長不

朽漂流十一度壬寅

壬寅之歲當宋理宗淳祐二年乃馬真后稱制之第二年也明年癸卯即

律文正始卒

錦贖金題記誰某令君雅有吉金癖紫電紅光出

薜蘿大峨仙人不云乎人生安得如汝壽

午睡

我家山水縣水檻納環翠石幢影頻移磨厓剔奇字客游
迹遂疎雲昏翠微寺奔泉入竹流敲松動遙吹靈茅白三

脊赤箭秀六穗時聞有仙迹俗士未嘗至山人不歸山峰自相媚今朝敲晝暝感夢有奇致如聞巖籟發濯我靈府異蕭蕭雨入霽空濛盪日氣

濯足

我生十餘稔濯足西澗曲游鱗依空潭倒景汲山綠石壁映圓渦清暉盪寒玉峻末好自搓鶴咽無宛跼蟻皆能導引養氣

故多齟齬子繁露云頗睎無垢人少思兼寡欲自蹋炎州塵路滑防

墊足近依老氏戒畏涉世湛濁搗來洗兩趺養目戒爲目
云云蜀岡水疑與龍背觸一濯身始輕再濯返初服

盆山種松

移得東南一小枝，
春來金檢玉繩泥。
卽看布肘知尋日，
便有干霄浴日姿。

萬年根不滿徑尺，
三月花猶香一峯。
寫入荆關好東絹，
孫枝合領小侯封。

清溪謠

銀漢無聲清淺流，
爲誰流下古西州。
齊梁宮殿餘荒邱，
相與諧熙南渡頭。

清溪卅六曲，
芳艸年年綠。
南岡小姑不得渡，
龍蜃低窪水

沒足

沈慶之詩所云徒步還南岡卽清溪南岸明紫禁城在焉上承入功德水地勢最窪下

翠翹金鳳皇，
山嶺隱輕黃。
洞房臨淥水，
含悽羅帶長。

羅帶子大似清溪水迴環抱山駛

清溪迴雪綴碧流溫兩頭玉樹由來共根

卜居

濯足八功德水栖心二定林閒問我言歸何許槁梧小隱
藏山

雲變化

幽雲如龍蹲營雲如駿奔并雲如籠車冀雲如穹闔充雲
如卷旆青雲如張蓋豫雲如剖囊徐雲如驚鞞雍雲如廣
宅涼雲如匹帛梁雲如甑炊益雲如漏卮荆雲如燔石揚
雲如挂席東冶南粵閒雲氣如鞍塲滅雲削而卑韎雲楸

而披交雲積而布緬雲織而俯莎車雲似墨赤谷雲似織
英雲火之末俄雲湖之初其氣若幡船耗我陸海儲或窪
雲若日或懸雲若肘或飛雲若蓬或立雲若墉或澤雲滂
礪或谷雲淖約或水雲草衣或山雲萋萋或棧雲虎臥或
厂雲蛟唾或凝雲肩積或散雲笑哈我知世閒雲皇惑如
蒼狗試問山中雲招隱深且叻綻雲以爲衣屑雲以爲糧
欲知雲變化東西各浮揚何如返巖穴濛濛石根香六氣
所迴薄食之壽命長

劉石庵相國有談禪雜咏戲和其八題

觀我詩

生非汝有物常攬
肥似甘蕉只暫榮
知否諸天方便力
堅牢須向止觀生

生

雪裡山看紺髮皤
風來面皺亦觀河
如何駐景丹邱訣
偏說收功一漑多

老

道人示病卽無衣
日減支離舊帶圍
到底蒙莊能作達
柳

生肘喜客將歸

病

恠見壺邱似溼灰
月逢納乙亦輪迴

友人莊中白言易氣最重消息參同云節

盡相禪與繼體復
生龍悄悄入三息
復出震觀此似大轉
四輪之說良非無因

三番多事鳩摩咒

笑荷劉生一鋪來

死

觀物詩

勾漏空留鄧嶽書花開海棗事全虛赤松聞說隨風雨何處晴天一訪渠仙

朱泚聞與豫且謀畏彼千金技見囚世議臨時神物困葉公昨又悔輕投龍

莊稱觸髅南面樂釋云苦諦入泥犁未若易家工見狀物論難將二氏齊鬼

羅浮五色衣遺葛園吏千年寢化周信有天機精妙處一畦煙草逍遙游蝶

一日中含四序周化機代謝况遷流有涯試覩无涯法孰主宰是諦前修總贊觀我

惟蟲能蟲蟲能天各有食息隨機緣觀眾生度無一度亦
不繫著牛頭禪

總贊觀物

觀荷蘭刀劍

吳郡中家夜集作

欲知劍德在劍室宵練含光故無匹何年盜取區治法碧
眼蠻奴販中術荷蘭島在條支西工鑄佩刀重鎔七魚皮
裝錯碧晶瑩鵝膏淬塗氣響慄其來萬里走不脛切物如
泥百無失况聞火器利無前礮緩攻城量密率軍器監亦
仿爲之異狀千名難殫悉武庫今儲十萬仗天馬蒲桃方
略出將令尉候謹防秋坐致車書期混壹上策莫如先內
治自勝者強明所述大制何煩一割效利器須闕三淵疾

鯁生昔爲築邪城，鼓遠胡兒吹簫築。城頭月小海水溢，動
兩三聲眼淚出。今逢公子廣陵濤，脫贈寶刀佩之吉宏景。
造丹名善勝黃石，公以柔爲質。縱橫劍首試一吹，剝落皮
膚惟見寶。

婺源齊翁年七十餘矣，昨游焦山，用坡公金山詩韻。
作詩示予，因和之。

黜中齊叟古須臾，小別五年淞滬海。一枝藤倚筋骨健，此
老滑稽眞自在。焦山黃葉落坡陀，翁欲來時江始波。絕壁
庵頭看江色，落日未落餘霞多。廣陵城下臥歸檝，讀畫品
泉期十日人。山僧闍幾茶毘題壁人，亡斷書赤赤尺古晚
文通

新書學厭糟魄獨探焦仙洞深黑雲泉一掬洗眼明浩歌
更令山鬼驚邇來漸不爲人識敗匱猿經無長物途窮僂
屋雨藏山枉訪湛冥笑我頑投門漫刺誠可已好事猶煩
致薪水

又和游金山

汪容夫校寫文匯閣四庫書於精法樓下今燬

病鶴一昔逐蘇耽酒船訪古江之南金山精法樓久圯油
素十不存二三坐忘老去尙愛讀有如抽蛹眠吳蠶藏經
劫火亦何有暗疏默寫吾真慚翠波金碧未云復但有巨
石蹲江潭中灑乳穴久沙礫秋老叢荻霜風酣承平樓觀
予未習故事題刻翁能談江山摧遷閱過客鍾版荒寂餘

枯龍風林水鳥佐梵唱寒泉苦茗澆芳甘詩翁秀句斲山
骨強韻律切心猶貪憊于瑟縮倦登陟抗和豈復顏行堪
據梧第與山水槁幾日芒屨尋茅庵

太山秦刻石殘字撫本題後

臣斯銘詞久漫滅存者上章言幾行務令金石刻明白秦
法初并六暴強親制遠黎陲後嗣二世詔乃鐫其陽銘詞
夙具自蜂準詔書晚出年相望祥符東封始搨獻俗書世
好嗤隋唐壇山誰珍稷帖競無恠寶氣千春藏荆公詩誰
珍壇山刻
其賞蘭
亭帖玉函登封已盜發山石厯劫猶雷碾後來歐趙錄
模本鄒嶧棗刻難雁行玉女池邊蝕風雨碧霞廡左剝偏

旁乾隆之初燔野火龍劍化去無光鈍從茲見者祇傳刻
舊搨出以多金償比伏生書裁廿九河內發屋存縑囊翔
鷹勁疾鏤陷壁外勢飢屬中箕張年深石泐紙癡駁聯星
綴月珠垂芒當時從臣才第一咸推上蔡媪且良雄詞篆

刻徧宇內以愚黔首旋陸梁三公具銜昧死請存字證取

瑯琊詳

秦刻石文凡七二世元年春之詔書七處當同詞
疑會稽地僻遠未及上石而東南兵起故無可考

非必原石亡泐理或然也證以王
十册秦碑詩益證予之非凡說

蘭陵一老實師事頌體

略許參成相文嚴義簡氣摧廓欲掃儒墨拘孿障荀卿書

疑出竄改

盧抱經先生謂荀子非十子篇堯問篇多
有門人李斯之徒以意增損傳會之處

曲學

媚世何披昌背師乃坐燔六籍破籙有意傳三蒼斯誠通

菽佃規矩下
眎艸隸猶秕糠

霍山一首上致仕少寇吳竹如先生

霍山爲南嶽
秩祀禮有加
右職視公輔
火正平南訛
崇翠積巘嶂
中含四時和
表裏石洞徹
體骨雷霆磨
終年聳寒色
上有長松柯
介邱抗天柱
垠塢排角牙
剗之爲平阜
使可產龍蛇
青春化鴈鶩
白日馴麕麕
天篤生異人
異人復如何
朝誦中庸記
夕肄小學科
柔厚藏剛夫
異人匪云佗
耕山出玉甕
漁水鉤金梭
履秣在坦蕩
箸書闢奇袤
心心視穀種
念念盡汰沙
媻媻警食息
脈脈課萌芽
日日所經秣
步步不離藹
以茲守身術
水火不得蹙
俛視眾小山
矢

結石用礫媚心沈大氣刊落冬春華常懷拯濁世譬塞決
口河奇力獨爭上蛟鱓毀其家精神滿廣宅性命如匏瓜
出爲牧與伯美政燕齊多入爲理與平荆章刊過差抗疏
補遺闕

聖惠崇嵯峨廷舉白獸樽微忠破槎枒上言

乾學大下言暑民嗟庚辛鑿不遠脛股繻煩疴憂時萬感
集諫書敢忘規引年乞長告迴首昆明池杖藜垂八十霜
鬢久已皤勤勤良相招

湘鄉相侯曾公雅重少
寇招致館鍾山下精舍

止止鍾山

阿鍾山少靈氣公至鍾山嘉我行欲見之無介涕滂沱見
則荷飲食雜術煩搗訶公耄不登朝蒙壯投幽遐上書欲

自達又恐羣吠擲元氣坐不養苦心浩無涯逝將從公游
湛湛水增波江都謁董祠心師玉英媵紛華未戰勝一念
踰新羅興化事劉子又隔瘴海窪微茫搜一髮障目猶全
犧懷公江路永思公鍾山儀良箴冀乞與長言厲詩歌

敬觀射陽湖石門畫像拓本

煙雨未全蝕星移漢畫斑素王參柱下元石出人閒道術
存流別風期契往還兼看濟州榻興象悟蕭閑

悟溪頌

少習元人書側媚眼中未見麻姑壇欲除結習靡曼氣擲
取悟溪厓字看

次韻方子箴都轉重建平山堂落成之作

堂成突兀俯增岡，水北山南總面陽。
檀施公應同外護，劫餘山亦老名場。
晶鹽檠俱形成虎，偃蓋松栽氣似羊。
幾點浮青望京口，隔江山色晚蒼蒼。

霧霽滿花紅滿湖，堂下碧艸畦靡蕪。
山暖嘒處日將午，野鶴歸時雲住無。
使君擅場出妙墨，釋子傳寫操奇觚。
頗聞廬陵有從事，作記將屬眉州蘇。

地震詩

同治十一年六月壬申夜維揚地震連延數州先是
五月甲申朔日有食之凡疇人推日食非正陽之月

不爲菑故予默也踰月復有地震之異則爲菑矣時

客揚州作是詩

同治壬申斗插未月十九日時初昏江都李氏行炙食酒
生魄于巽裁逾辛微雲積波光地地四壁如削邱昆侖歡
呼劇飲取喧鬧萬籟夕息癡龍蹲忽然墜形翫翫起自東
南屯始自戶外屢仄旋于金堂上蘭房千氣萬力搖天根
墨翟嘗云纜閉虛纜閉果有禹強存禹強烏身而人面負
平地絡之陽地絡之陰靜處天中央吾聞地德方以靜禹
強何爲掉磬使側殃吾將箠禹強背則禹強足使其巖巖
潛伏藏又聞地勢橢員以動東南傾南海之神曰廣利

國有中祀王胡不禁恠物祛貪狼土石下有精罔象與鱗
羊此皆小怪耳不足搖撼九地藏少讀李膺邛州事大蛇
翻身陷土中天五之精生后土后土富媪何故使之窪掩
隆春秋五地震齊楚宋魯邦咸鳴鼓攻社五兵斷黃壤賤
陰而貴易媪神遂豐穰又聞伏生言黃嘗軒黃祥木金水
火四者來於土一不勝四爲凶殃山胡爲而摧圮石胡爲
而雷琅常羊報蕙背陽蹠通之維誰被彼不詳后皇地示
方澤祀之泰折瘞帛燔柴配之黃后之府亦有大臣胡爲
戰戰兢兢如硤冰而臨淵上不敢眠天俛不敢畫地任汝
怪物齧地柱排天根重黎氏小臣涕泣于庭而言曰地行

賤臣再捧后皇武且神皇地之示有災怖賤臣敢愛血穴
身行將歸九閭排金門九闔虎豹當門居無由有小臣蹤
小臣涕泗走之南邦小臣力能撞大鐘考大鼓無由上徹
明堂聰九地有四岳九天有三公三公上居帝左右拱衛
泰壹紫微宮臣告三公公不汝從賤臣拊心不得通地下
有其工口狺狺角齶齶張嘴衙衙來觸不周之山山爲棚
天爲折河爲塞地爲裂羊馬膾血腥闔大都此是咸同年
間事利器輕示蠹與狐賤臣力薄不得除其工欲先去中
國之蠹鵬咬之徒三蠶繆牙元氣亡其都三蠶旣掃除天
清地復廓六螭扶屬車

聖意深厚如地高明如天得一以正乾之樞三五旣識職
羣臣望之如天卽之如地右五緯左九區大開明堂管角
端握彗珠鏐赤縣尊黃圖又命南正重火正犁齊天下之
不齊犁汝司地作右輔復命司空佐汝大麓風雨毋愆迷
益以神威四將軍號曰征鎮安平西伐材銅山握銅虎開
府和闐及伊犁凡西之人崩角稽首歲在卯酉輸其羊酒
高者高下者下彝歸彝夏歸夏各有人民不相娶嫁日三
月成時月三日爲霸各各幽明晝夜刑誅惠赦叟顏如童
兒噉不嗔男無寄殺女無逃嫁懷眞抱樸治返于古日月
在上燭火罷謝吾聞漢張衡解造地動精銅儀三公不覺

衡知之衡心無由明驅向泰山而望所思吾聞齊有好太
卜自言精誠能動之晏子心知之鉤在房心閒地動良由
茲嬰心無由明臣昔經晏城欲以特豚春祠之二臣皆良
齊漢之主未知之又聞歐羅巴人祿天九祿地九又測五
緯之外新五大星地園如大球五星爲球刑星觸球傷地
且毀神鬼不得扶長人不得支撐天地日冥冥管仲能知
地園不能知大地如球形東有蒼色龍福惠爲汝名何不
以牙角觸五星瀦五星宮毋使停南有赤翅烏嘴赤翼紺
啄大魚能食相柳肉不能啖加五星使西驅中央大黃精
鎮壓嵩高山下有后土祠汝行壘培九地之關西有於菟

望青負太陰汝不能使五精竄如墜雨踏于北而歛于
南北有大彖龜七十二鑽無遺謀爾何不沈五精于大冰
海圖爾於旂爾毋羞鉤陳爲羽林作衛于王家胡爲地動
不自覺食于虎賁自委蛇房爲天駟精驂服天閑無震驚
胡爲踏地不自備囓于王芻曳蹠行此皆內外官請皆輒
箠之臣請助殄除毋令上天憂或謀以息壤鎮壓之毋干
上天降罪尤小臣得告爲國舌喉二至閉闕

帝心簡休盡夷粹和神明與侔道惠精剛砥平道周明陰
法陽摧剛爲柔皇皇地祇永萬萬古無菑權天地中合四
時調和內平外成礪山帶河禹強之神來告曰媯皇令鼇

負戴四維鼉性陰賊通干支祁意傾東南爲彼窟池誕育
醜類以民毒瘳帝命禹強以鼉磔死

此仿犁眉公集二鬼詩非效盧仝徐積也

汪蓋 黃山圖

未作黃山游浮嵐出豪素三十六峯寒仙都在何處天壇

石上日月生照東揚州一州曙予家天目近未陟局東山

靈爲掌拊何論夢想文殊臺蒙叟珠璣空拾取

牧翁宗伯游黃山詩

絕佳見初學集

奇君工摹漸僧本畫已娛人况真覩連峯斷厓非

一狀如牛飲溪虎巖踞海底雲消出梵宮林端鐘動知樵

路陰陽晦明多變幻清景老筆能留住讀畫君真移我情

勝處茅菴時一遇

昔聞軒皇鍊丹沙玉女容成挽河車浮邱公亦助藥錄遺
俗歲久還成家丹成餘水洒青壁呼吸靈氣紫烟客至今
石上走虬龍長出破爪皴鱗松憑君攝取生綃裹老服松
脂尙壯容

贈柳賓叔先生興宗

阮公猶及侍清光投老無依屢絕糧獨耆更生傳古學還
從武子得餘糧鹿裘帶斷繩堪續竹節丹成眼忽方且喜
禮堂須寫定瑕邱待辟石渠郎

海雲長老以種瓜圖屬題

安吳包倦翁學書弟
子憎臘已望七矣

闕浮林開金麗殺菴居長坐團焦屋青門瓜地轉眼非方

外猶殘一畦綠水光山色近禪智抱甕灌畦清似鵝竹西
亂定金碧毀園篋三條一飯足頽垣柵斷作籬門戲種瓜
瓠蔓喬木梵餘巡圃手攜鋤露葉煙苗青滿谷顛素曾聞
多種蕉滑澤肆書勤手熟道人頗傳菽舟說倦翁筆訣劄
心讀至今艸隸腕濃枯蟲網絡壁勁還尋俗流一筆不輕
與吳郡書譜韋幾續包慎翁自言生平臨書譜合作有五
本其一見之邵陽魏者許海雲亦有
一老來野性猶傲岸夜燃松肪作滿幅支棚結夏飯青精
倚杖凌秋刷黃獨瓜花落兮瓜蔓稀小摘餘供山鳥啄頗
藏石墨許攜示持拓晴窗手抄目已公茅屋擬經過茶瓜
留客期還卜

過四源溝楊石卿大令鐸時監稅於此

楊君老去世緣剛小隱監門吳楚閒策杖狂尋瘞鶴碣隔
江坐對栖霞山寢邱三老紅顏壯淮上九師元髮斑一飯

雪天留我共扁舟明日又淝關

君光州人
久客淮上

尋碑欲補授堂跋石墨千通東筭森欲結茅依漁父住卻
愁符下長官侵三冬文史娛還足一榻齏鹽語已深小屋
如舟風畏卷看君危坐又清吟

漸西村人初集

詩五

答鄭襄

簡鄭全椒

城中有一鶴

再送湛侯別

晦巖村一首

先府君
讀書處

淮南

泊陳家漩

瓜步

銅井

華林寺

陰陵

溫泉

在江浦縣

吳山尊學士宅

卓筆峰

戲作俳體咏諫南土風

敝廬遣興

爲人題畫竹

題女史李丘雜花卉

陽湖吳節母詩

積儲歌

蔣節索贈

簡桑根師

題藏書目後

游平山堂二首

同莊中白楊石卿李
賓嶠高叔遲諸君作

又題

吳門舟次七夕朱六司馬

之榛

招集牙齋作

上元宗公

源瀚

自吾郡移守嘉興率爾奉簡

游烟雨樓三首

丁松生徵君屬題風木庵圖

壽石門校官高丈

學治

六十初度

題家書後

游靈隱寺

御寄里中諸子短述

喜高仲瀛秋捷

題張子虞同年負書圖後

懷十一從弟鈺下稜

羅定切

田舍

五君憶

漸西村人初集

詩五

答鄭襄

癸酉

昨枉投佳什叩門如舊知清詞雅似雪元理析成絲
山有三椽葉川迴一葉舟人言令君好鹵壑變靈湫

簡鄭全椒

五龍六甲年非秋類捷開依依會合初姣姣陽春麗名理
感我心枝葉謝蕪綴楚然江介士鉤深見孤詣獨秀抽天
穎浮榮笑羣脆喬松薄景光甯爲朝菌蔽且晞捷閉深促
往無緩裔晚俗賤閭媿母爲銜珍髦

令君悵將行賤子亦失職飛沈雖異軌意氣微相埒山烟
帶郭寒溪絕流冰塞祖飲戒崇朝隆思長緘憶

城中有一鶴

城中有一鶴城外巢一蜺蜺鶴互紆結志俱在西山西山
景氣佳昆明湖水暄萬燥待春澤丹邱潤津魂夜思柝梭
闕晝接祇陀園園中復何有橘實如金盆蜺鶴同入市
人拍手言君爲不留鄧我爲絕纓髡違世誠非迷成功師
無言望持徑寸膠以溥濁世渾

正月中與鄭令君
同游寶林寺題名

再送湛侯別

是時有星出于井民間訛言日夜出垣星之精流黃擘

鄭云

赤色正黃在秦蜀分天文家言歲候蒼熒惑之妖
赤填黃太白白辰黑五星之沴流爲五色彗也 太興元

年事非一淮江之閒山谷中賢吏登車去何疾訂交國火
已更槐頗仗高生介詞質邇來俯仰動忤俗日以委蛇掩
齒率其資閩縣源薪火銘狀未爲心卹卹滁山西畔陰陵
東未買尺地栽蘊菘厓風夜落柏子實溪石遠采丹沙空
應須服食索方藥未遇鍊師難爲功令君去鷓鴣啼索我
贈言重致辭爲語前年銅井游山中神漢清流黎靈泉淳
蓄不得洩一溉可蘇千頃畦散人濩落何足惜愛君異政
留山蹊他時行取騎驄馬勿諱災異言天扉

銅井在全椒縣治西南五十里廣可二百弓不知
何以名井也波濤深不可測中有巨魚亦異境也

晦巖村一首

先府君
讀書處

寥落窮巖注易時，祇今惟有野風吹。
敲松劖藥嘗經歲，旅麥燒荒又一時。
正直猶應動山鬼，閒關何以屬孤兒。
惟餘禮法筋骸束，飢餓由來戒四肢。

淮南

泊宅淮南住黃茅，似瘴鄉閉門中士。
妙行野接輿，狂鳥翳瓜檐。
蔓蝸涎蘚壁，光村歌朝放牧鄰。
火夜春梁偶看荒園竹，抽梢過野牆。
道人在何許，規訪石爲糧。

泊陳家漩

出門二日荒江宿，卻望阜陵烟霧中。
黃柳搖星水淺亂，蒼

颯嘒竹山冥濛空村寂寂稀人語漁火星星入葦叢是處
茅茨亦幽絕縱橫村徑遠牛宮

忽憶前年剡門道春寒遲見草芊芊霜欺古木風淅瀝日
落長河天橢圓行人轉羨村童樂勞侶還思倦枕眠明發
扁舟又南去眞成一宿覺茲川

瓜步

泯泯蒼流峽頻頻短棹移去年瓜步雪獵火佛狸祠尙想
東臯酒王無功爲六合丞常著酒不
事知隋將亂乃投劾去能參北叟機空餘蘆
笋美佐我飴流匙

銅井

鳴瀑淙淙出巖竇似與仙人留珮環日落惟餘青紫氣苔
深時見鹿麕斑蒼山松皮盡堅瘦青壁石乳難躋攀窮荒
此地饒奇麗便約陵陽住不還

巨魚卅鱗供法膳神龜徑尺獻明堂如何背負荒山底似
欲鍊真汾水陽窅然不識天下樂哈爾徒爲豎子場

九門
四潰

諸山在其西北相
傳爲項王戰地

日汲惟須銅井水丹顏玉液發奇光

華林寺

華林寺前有古木葉是柏髯身是松空谷峻狙獻山果晴

櫛風雨戰梅龍半身佛蝕巢飢雀萬石溪鳴夾臥鐘

橋下
有唐

鐘陷入襄水汎
人乃能見之

爰鄭流連曾幾日道人卻掃閣塵封

陰陵

陰陵北有重瞳迹苦縣西餘老子林早歲潢池興異獸經年大冶鑠祥金槍幡擾攘今何在贏項驅除事已沈漢帝濯龍祠事恪好師甯靜繫人心

溫泉

在江浦縣

聞說黃山多沸井經行今覩浦山泉陽巖赭石雲根熟陰竇丹沙乳溜懸那有元稹渠作記應令白墮釀流涎剝落坐讀康公記前江甯布政使合河康公基田有水利碑一漑雲腴萬頃田

吳山尊學士宅

詞客幽居營水北至今小白鷺名洲十年翠栝供藥客九

日黃花笑賸秋合架繩橋跨城厂應園竹蕪斷溪流白雲

紅日俱堪戀

先生奉母還山榜所居曰白雲紅日水邊樓以志恩遇云

丙舍憐子煎百

憂

卓筆峰

遙于欄際看培塿好向烟空起觀臺山魑僅能容一足牧

童何止上千迴窅潭下瞰鼉窟窟啄澆懸知鸛雀來戲語

家人復何似削成怒笋裹泥堆

嘗論文筆用秃如黃泥裹銳笋外枯而其中生氣藟

然文之聖者也魏默深先生云聖于文者其文秃其味悶

戲作俳體詠譙南土風

澹烟飛絮景堪摹借此幽栖聊自娛藤架蠶飴秋漫喫

淮南

俗講蜜以爲蜂館
爲楊行密嫌名也
楹林鷄抱午頻呼
土人呼鷄
伏卯曰抱
舒鳧戶炙
頻相餽
市中挂露
浮蟻家
不用沽
元豐酒作法始始
于宋人
芳辣可飲
偶
應鄰翁招社飲
村童爭出看
潛夫

敝廬遣興

淨名居士裁方丈
草屨揚生無十金
風雨橫斜看入戶
茅簷掩映亦成林
松肪戍夜燃虛白
葭吹清秋倚醉吟
坐失山花山鳥意
桐江歸思一何深

爲人題畫竹

高牙捎影萬夫回
自是東南箭筈材
誰識春山幽磳戶
靚無人處鏤莓苔

師汝龍鍾老秃翁，籜翻風雨便成龍。
千尋鐵索迴繩渡，力挽強流入筍中。

富春山中竹引泉，枯雅銜尾蛻蛇聯。
沈竿下有珊瑚樹，無數游魚吹碧涎。

赤日橫空翠欲流，青金瓊碎落平疇。
便爲清廟龍文簠，恥作人閒千戶侯。

題女史李珣雜花卉

不受瘴鄉風露欺，自然富貴出天姿。
坡句四花兩作華鬢

弄客慧刪除足自持。
牡丹

是誰招此斷腸魂，
山谷玉磔金沙二寸根。
翦水鍊雲無定

相不知瑤巒有黃昏

水仙

山頭化石此花身和雨和烟翠欲曠幾度欲迴銀燭照可

憐潭沱不成春

秋海棠

誰遣來從西海頭也隨首藉萸神州饒他爛漫羊城裡不
入離騷楚客饑

洋菊

陽湖吳節母詩

古有成風惠締造出艱棘安危真可仗水火何能賊今知
吳母賢駟車歷南北潛明頴川難詎畏井陘塞恒代多烈
風危巢摧錦翼神號蒼水使欲渡衝波息當其克濟時甯
假河宗力哺來孤鳳皇擇蔭蘭陵國彤筦兼授經元統旋

詩五

六

避舍蓋
公堂

効職扶筐實相子篝火程漏刻青青澤中蒲韌之堅且直

般般駟牙文仁心以爲則兒著潛夫論還爲外家飾我書

奇女節持祛世儒惑

吳府君爲代州崞令有惠政卒官節母滑縣人故側室也生子唐林甫辟

而孤寡不能歸乃劔遺孤扶柩數千里閒關歸南蘭陵後復以智計脫離已未庚申之難

吳君靈朔氣西下青空桐戊辰始識君抗心高秋嵩小語

出肝腑孤雛見深叢陽冰結予海霧火鑽頰楓頗爲無言

契乃離文字宗懸知慈母教暎旭曙童蒙願君慎守之蓄

惠鑱天工退爲深深息進有冥冥功乃不負所生溫訓資

礚礚感我寒泉思孤根植絳纒登堂期後日蹲汎春醪融

積儲歌

作息有程經物有簿點檢寸絲及半黍奴春一石婢織一丈首功上能賤賢良水毀金穰木饑火旱隄蟻穿石縲斷

蔣節索贈

閩海此材難可數驩駟蹶出風塵宵爲鬱怒千言賦朝
熱離灑一束薪憶昨飛鴻鶻碧泖如今翡翠下青蘋命儻
歎侶頻游戲咀嚼蒹葭未厭貧

簡桑根師

強飯廉翁思趙將多情白傅戀杭州桃花劍底征裘雪楊
柳枝頭舞扇秋駘宕清歌憐子夜便娟幽夢託西洲聞道
中朝將拱璧蘿衣未許久淹留

題藏書目後

益人神智仗何物，心不離書神不索。
伴我扁舟吳越行，漠漠江雲信寥廓。
倦客長懷十九泉，鬻茶燒笋自年年。
洞天花發盍歸去，卻掃焚香便得仙。

游平山堂二首

同莊中白楊石卿李賓
謁高叔選諸君作

城市思山林，欲伐煩惱樹。
山人履城市，思觀眾生度。
君參清淨因，勿以形迹住。

勿嗤蜀岡小，亦有西來泉。
泉涌珠千眼，無住皆成圓。
下有饒蛟窟，莫滂投芳荃。

又題

尋奇不在遠悅心貴是閒招邀二三子盤胸孕名山意搆
夙有得俗緣近多刪榜書第五泉云通蜀源潄將母孔雀
口泐流出塵寰榮觀拔地起人工爲之殫排空碧瓦巒高
下依煙鬢俗媼木居士只如山石頑危欄晚徒倚一吸遙

山顏

語賦眾舌擣音賦眾耳塞自聞鐘魚鳴不若鐘魚嘿微言
豁羣疑獨見祛脍惑心不受眾塵况在水精域道勝障自
消世機何待測橋皆宛轉成樹有瓊瑰色雲拖一絲藍松
苗千鍼直古人情不朽因緣文字力誰抱綿綿志萬化納
一息吾將銘懸厓至靜頌山真

吳門舟次七夕朱六司馬之榛招集牙齋作

靈星盪瑤夕風篠媚高齋秋空洗氛豁層軒敞幽懷賢侯
金闈彥浮響斥鄭哇暫羈塵下秩颺舉睇天階微馨流曲
荷涼翠韻疏槐不速皆佳侶祖席難安排松醪醇且勁稟
氣何所諧時俗漫拘攣嫵姍啣形骸蘭筋絕塵壚十舍絆
龍媒

過客如疲衲津梁無位寘日中一麻麥亦復忻然至浮世
纜異情沈心鑑孤智獨有耆奇人翩然屏車騎經過非密
轡雅故權卽事林榭敞離筵沈寥如野寺微微空鑷發結
習助文字藤敲落架風薜駁嵌廳記明發出西門解纜流

潮駛迴看支硎山霞縹蓄相思

上元宗公

源瀚

自吾郡移守嘉興率爾奉簡

得州如斗大是豈不可治賢將理荒蕪蒔莠爬梳之此州
得公喜吾州去公悲願持徑寸珠徧燭殊方黷願敏一囊
粟徧瘵鄰州飢

我公下瀧江水激石齒齒篙石如相語使君仁且智笋抽
二尺强魚長三寸美豈知不槎枿仁獸感來止獨有南蜚
鴻集桷今日始

游烟雨樓三首

清秋澹炎歊空翠落牖戶落日銜湖濛濛翳復吐娟娟

詩五

九

公堂

修竹淨翻翻，綺鷺舞洞扉。
森似闢高柳，紛成聚始濟。
若先迷幽探，期博取田田。
蓀芡熟房殼，淦可數湛心。
不退轉夙約，戀藥圃危亭。
斷四際獨行無，今古打槳獵菰蒲。
何當遇風雨。

巖空出天籟，圓靈納虛鏡。
動搖青頗黎，一水舍一性。
定心知尚淺，慈力在積行。
欲渡無浮槎，洪濤濁垢病。
麗山起孤畝，伽藍頗嚴盛。
積水倚芳洲，豐茸襍花映。
誰能移絕壁，樓觀千尺勁。
晏坐常超然，一洗世語筭。
迴船指彼岸，中流看斗枋。
何處銅龍鳴，一鳴龔俗正。

誓墓不作詩，作亦不復奇。
美人弄秋權，坐忘言語機。
隄如

翠蛟蟠空水溼清暉時平不瀾汗流波濺人衣濺衣君莫
惜金堂願未違秋楊若羅帶秋花擷珠璣持許貢銀闕脈
脈徒因依

丁松生徵君挹其先塋於餘杭山中命工績丙舍爲
風木庵圖屬予說其名誼如此

木氣下爲雨土氣上爲風木靜有仁性風厲無常輓二者
各自異震巽非一宮如何相糾錯桂之樹龍稔子壯親不
存遐慕等稗蒙警葉辭其根摧撼不可窮危柯化爲石迅
商薄秋穹松菌無留年蛇目質豈同哀流斷續竹神泣生
死桐大哉皋魚嘆風伯行汝訟

古之仁孝人習醫求服餌漆葉青黏樹貢之庭階瑞

後漢華元

化傳有漆葉青黏散服之令人久 際說爾正家以為黏乃

黏之俗文即今杉也徐鉉作櫛然杉木所在有之非服食

之品未 如何風中燭炎翠成蕉萃誓欲往從之又恐違親

意何以續親壽惟餘志親志義心如初芽牛羊勿為累利

心如浮塵驅去勿使蕩是即愚公谷子復有孫繼同形以

順化密心良獨異感君作圖心逃矣志與事靜林有安柯

礪硲別利器庶以詒子孫薪火嬗世次

壽石門校官高丈

學治 六十初度

今人豈尚同古人非好異異不違于物同胡喪諸己一日
適有今三十須臾耳積日成年壽如尺從黍起於人中求

古麀角亦稀矣在古人跡今名實不藉史恃有靈臺寸不受電光駛因茲慄然想得失不可詭無寒暑雨風如銅之謂士茲言文當之進惠不可止

漢十四博士縹緘寫官書逸經慎口授名理議石渠弟子員所師校官此權輿毋探了義筌粉碎刮空虛毋儕發家儒辛苦困蟲魚立之闕市平不受異說嘘匯爲義之海無潢潦枝渠天葩發孤秀仙珮鏘瓊琚名惠此經師棘子力自餘漢京徵博士八十待安車

題家書後

只今賃屋南梁住玳瑁書籤薛荔堂何日攜家西浙去樓

桐拂子芟荷囊閒緝朱子參同注互校黃門急就章好學
無過君靜默談元須索我評量代澆悶緒新斲酒替解窮
愁猝辦棖視晷已趕程日力居心早淨愛天光剡藤爲縛
黃瓢架楚簟看移紫竹牀平世全身如苦李清時獻賦入
長楊住應台住支離德歸便同歸智慧航

游靈隱寺二首

并敘

繕性家言至人之心珠藏淵凡夫之心泡現水泥洄
子云能仁之性正徧知眾生之性想顛倒二言通貫
根極道妙心有實智權智性無內見外見消息三旛
鈐鍵八漸使王侯與螻蟻共窟松喬將蜉蝣齊年前

轉運使錫山秦公饌設伊蒲游探闌崛招勃率泐崢
之侶作紆迴汗漫之游問龍乞水洗眼崩濤窟中倚
松得朋插腳亂石堆裡蒼蘚滑澗笑題名之漶漫丹
經斷爛識彼藏之空虛從知水火四輪見空七大動
靈蛇于井底陰壑潛吹鬻異鼠于枝頭陽厓歛滅皆
無常住之緣孰是有爲之法獨有瑤鳴孤磬心地一
空鼎鏡懸潭性海千尺鐙含諸相鐙鐙燦無盡之緣
門開三妙門門演不二之誼仰窺蘊諦略綴枝言伏
塵勝流冀畚佳貺林表珍翮如助頻伽之音洞中寒
玉若聆梵唄之唱聊命篇曰何處見心性云爾

何處見心性靈山是我山松鳴虎跡裏藤刺鶻巢閒樹與
石俱化樵將雲其還洞天人散盡巖罅叩元關

何處見心性冷泉是我泉洩通雷翳海景倒蔚藍天龍袞
空王寶誰調古德絃佛光深夜見我欲枕泉眠

卻寄里中諸子短述

笑予行役勞勞久赤腳還須徧九州縱然學得屠龍技猿
鶴山中見也羞

喜高仲瀛秋捷

戲攝須彌歸芥子解于漆桶放光明地輪縮入徑寸紙玉
直能連三十城與俗參差姑守拙問民疾苦未能平官家

要得嚴徐用公輩何堪逃世榮

題張子虞同年負書圖後

張子文壘建幢旛顧枕東壁牻天根誦書提要鉤其孑家
學穀穀窮根源陽九之際丁世屯仙翮哀吟謝籬樊鏘鏘
鵠鵠大招魂苦詞楚些紛濁煩有如出膏以自燔乾蔭中
彫負餘暄鑿楹萬軸今幾存江式五世哀遺編手龜足爾
不敢論後來家法儒其門西薄高春東妍瞰鷄次之典圖
靈坤應有龍威護疲奔手澤勤披湔淚痕母借及鸞告雲
孫

懷十一從弟鈺下稜

羅定切

田舍

耦耕良足樂學道不爲貧相期桐山下沮溺憩通津四民
農最貴惰士何足云卽此報君父長爲租賦民與國充耘
籽此意愚且醕勿宥田中蒿去使良苗新勿荒田外騰種
豆散鷄豚有犢毋使飢有傭毋使噉芸看露穗拄稻花香
微聞穫看碌碡臥溪水聒前村有時手一編慨然懷古人
行當遣畫師貌我與汝真耕山漁綠水蓑笠烟江濟毋爲
棄年力閑語送日曛老農辨菽麥沒祔先嗇神相與敦所
務勿忘 祖德勤

五君憶

從他佛說四天下信有騶談九大州

佛說四天下騶談九大州戴集中句也

一介戴生容不得真成天壤作詩囚

德清生員
戴君望

七歲拜公牀下立屢枉精廬賜新什富春詩老無復人賸

有山靈貽石笈

副貢生同里
江丈肇瑛

禹迹荒陬不可航公能沿討杙微茫定林問道祛迷誤雪

竹霜筠擁講堂

少秋官六安
吳公廷棟

公爲祭酒官書局戴記蒙曾預寫官老眼下籤刊落芽德

人電逝爲襟殫

編修道州
何丈紹基

嘉道中人君嗣作遺聞時入君腹臞匿藏萬卷多異本一

一爬梳朱墨著

舉人獨山
莫丈友芝